




SLUŽBENI GLASNIK OPĆINE KONJIC

Broj: 2

Konjic, 04.01.2021.



SADRŽAJ

- 1.Odluka o izmjenama i dopunamaOdluke o izvršavanju Budžeta Općine Konjic za 2020. godinu 1883
- 2.Odluka o privremenom finansiranju Općine Konjic za period januar-mart 2021. godine 1884

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE
Broj: 03-02-2-3522/20
Konjic, 30.12.2020. godine

Na osnovu člana 16. Statuta Općine Konjic („Službeni glasnik Općine Konjic”, broj: 4/11, 6/11 i 3/20), a u skladu sa članom 7., stav 2. Zakona o budžetima u Federaciji BiH („Službene novine FBiH” broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Općinsko vijeće Konjic na sjednici održanoj dana 30.12.2020. godine, d o n o s i

ODLUKU o izmjenama i
dopunama
Odluke o izvršavanju Budžeta Općine Konjic za
2020. godinu Član 1.

U Odluci o izvršavanju Budžeta Općine Konjic za 2020. godinu (broj Odluke: 03-05-12-3956/ 19 od 30.12.2019. godine) mijenja se član 22. i glasi:

Namjenska sredstva (namjenske donacije, transferi i grantovi) koja nisu planirana u Budžetu Općine Konjic, a ostvare se u toku fiskalne godine koristit će se u skladu sa namjenama za koja budu doznačena. Daje se saglasnost Općinskom načelniku da sredstva iz stava (1) ovog člana Zaključkom usmjeri u Budžet na prihodovnoj i rashodovnoj strani, a na prijedlog Službe za privredu finansije i društvene djelatnosti, o čemu će se izvjestiti Općinsko vijeće Konjic.

Član 2.

Odluka o izmjenama i dopunama Odluke o izvršavanju Budžeta Općine Konjic za 2020. godinu stupa na snagu danom donošenja i objavit će se u „Službenom glasniku Općine Konjic”, a primjenjivat će se za 2020. fiskalnu godinu.

Predsjednik Općinskog Vijeća
Kenan Greda, dipl.prav., s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj :03-02-2-3523/20
Konjic, 30.12.2020. godine

Na osnovu člana 16. Statuta Općine Konjic („Službeni glasnik Općine Konjic", broj 4/11, 6/11 i 3/20), a u skladu sa članom 35. Zakonom o budžetima u Federaciji BiH („Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), članom 18. Zakona o principima lokalne samouprave („Službene novine FBiH" broj: 49/06, 51/09) Općinsko vijeće Konjic na sjednici održanoj dana 30.12.2020. godine donosi:

ODLUKU o privremenom finansiranju Općine
Konjic za period januar-mart 2021. godine

Član 1.

Ovom Odlukom utvrđuje se nastavak finansiranja poslova, funkcija i programa korisnika Budžeta Općine Konjic za period januar-mart 2021. godine.

Član 2.

Privremeno finansiranje Općine Konjic za period januar-mart 2021. godine utvrđuje se u iznosu 3.807.879,76 KM, što predstavlja realizaciju budžeta za period januar-mart 2020. godine.

Član 3.

Privremeno finansiranje obavlja se najduže za prva tri mjeseca fiskalne godine srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu.

Član 4.

U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan 31. decembar prethodne godine. Budžetski korisnici ne mogu započeti nove ili proširene programe i aktivnosti dok se ne donese budžet.

Član 5.

Nakon isteka privremenog finansiranja u tom periodu ostvareni prihodi i primici, te izvršeni rashodi i izdaci uključuju se u budžet tekuće godine. Budžet se mora donijeti najkasnije do 31. marta tekuće godine, a ukoliko se ne donese neće se izvršavati rashodi u bilo koju svrhu osim otplate dugova sve dok se budžet ne donese.

Član 6.

Za realizaciju ove Odluke zadužuje se Načelnik Općine.

Član 7.

Odluka stupa na snagu danom donošenja i objavit će se u „Službenom glasniku Općine Konjic“ i Oglasnoj tabli Općine Konjic.

Predsjednik Općinskog Vijeća
Kenan Greda, dipl.prav., s.r

IZDAJE OPĆINA KONJIC

OPĆINSKO VIJEĆE
Tel: +387 36 712 232

SLUŽBENI GLASNIK IZLAZI PO POTREBI